

Wakker wère

't Gebeurt neet duk, 't gebeurt bijna noeit
mar vannacht is 't gebeur, vannacht bin ik opgestoan
als in enne droem zaag ik meej van de trap afgoan
't waas perfect, de koffie kloar, de taffel gedekt
en de zon die scheen....

de baas brocht meej bloome en zei:
'blief maar thoese, ge dut meej gen grutter plezeer,
pak de rest van de weak mar vreej'
en ik genoot, zelfs miene baas vong 't good
en de zon die scheen....

de fiets op en fluite, de wind haj ik op de rug
de minse die lachte nar meej en ik lachte terug
en ik genoot, zelfs mien hoar zaate good
en de zon die scheen...

en onderweg kwaam ik ow teage
ik woord van puur geluk verleage

't leave haj 't good veur met meej
alles zaat mei, wat ik ok deej
met zo'n gevoel dat ge nog van vroeger kent
allang vergeate, neet gewend

zo'n bliej gevoel wat mar door blijft goan,
zo'n gevoel van 'dit gevoel dat deurt te lang'
te veul roezegeur en moaneschien
vul te moei om waar te zien....

oh, want toen ik vanmerge wakker woord
over mien onderboks veel en in de speegel keek
drong 't langzaam tot meej door:
alles wat ik haj gezeen dat waas neet waar
ik haj gedroemd, de ganse nacht
en ien ding stong weer vast vur meej:

's nachts is 't moeier als oaverdaag
en al hielemoal met ow d'r beej.....

[Tekst en muziek: Jack Poels] [mini LP 'Rowwen Hèze', 1987, cd 'Water,
lucht en liefde', HKM 1997; cd 'Zilver', RHAM bv, 2010]